

勝 脰

飲 陣

編 篇



00756

Z₁₂₁ 勝

1

:1685

飲

編

郎廷極
輯

中
華
書
局

叢書集成初編

勝 飲 編（及其他一種）

中 華 書 局 出 版 發 行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN7-101-00894-1/K·367

勝
飲
編

此據粵雅堂叢書
本排印初編各叢
書僅有此本

勝飲編序

古來豪於飲而以著述傳者。劉伯倫酒德頌。王無功醉鄉記。是已。至阮籍。陶潛輩吟詠間作。亦往往寓之於酒。若天下事舉可遺棄。惟此杯中物有不能須臾舍者。於是曠達之流。競相則倣。或至視爲美談。然以余觀之。此數子者。要皆有託而逃。非真荒耽於是也。慨自酒誥不作。有維俗之志者。莫若順人之性而節其過差。斯善已。大中丞北軒先生。政事餘閒。雅耽撰述。曩官東萊時。偶輯酒史十八卷。名之曰勝飲編。暇日示余。披覽循環。陶陶然如坐我於太和之室也。先生教令神明。世以擬之。顧建康。至與人交。又如公瑾醇醪。不覺自醉。古所謂孔嘉令儀者。喜當吾世見之。茲編援引博而選擇精。區分類別。體例簡嚴。間采今昔名流及自撰秀句以相證佐。其用意歸於導和遏流。不欲人之溺情歡伯。思深哉。蓋衛武賓筵之遺旨也。先生量止三蕉。蓄常百斛。不飲而樂觀人飲。往往與客同其醉醒。若余與先生遊。時接文字之飲。不識茲編中將置我於何等耶。己丑清和月。關西楊顯拜題。

勝飲編題辭

勝飲編者。予友北軒先生之所寄興也。予兩人交有年。如元酒之味。淡而耐久。第知先生常節飲。而不知其得此中之勝情如此。昔曹參相齊。終日不事事。惟飲醇酒。民有清靜寧一之頌。今先生適官其地。和平寧靜之政。不讓昔人。然彼飲而醉。此飲而勝。則又不必盡同也。予羈跡燕臺。貧且善病。日需良醪數升。爲導養之助。而壚頭價貴。不可恆得。每朝退杜門。手把先生此編。倚窗翫讀。恍如置我名山水間。銜杯酣適。覺一年四序中。令節佳辰。無一虛度。先生之貽我厚矣。奚啻尊中百斛之贈而已哉。爰書數語以報之。長安貴遊。同予好者。不乏其人。易急付之剞劂。以廣先生之惠。何如。庚辰上巳日。海昌同學弟查昇書於燕邸靜學齋。

勝飲編題辭

飲酒之法。見於周官。戴記者。皆禮飲也。自酒史申百罰之令。滑稽有一石之言。而騰觥飛爵之政興焉。晉世七賢八達之徒。流爲豪蕩。至效爲因飲鼈飲。濫觴已甚。於是反之者。或以爲巖牆。或以爲禍海。酒幾不可近。僕謂兩者均失之。大中丞北軒先生。性不嗜飲。而樂觀人飲。且慮飲者之過差也。置醴之餘。博徵往事。分晰門類。都爲一書。凡有合於酒。與佐於酒。樂於酒者。無不錄。而沈湎濡溺之過。亦畢書之以示戒。名曰勝飲編。使天下視古人爲監史。奉先生於賓筵。必有得於此中妙理。斯可爲勝矣。昔曹繼善之觥律。趙與時之觴政。何刻之酒綱雅。劉炫之酒孝經。其書有傳。有不傳。若北山酒經。醉鄉日月。直堪覆瓿耳。豈如斯編采資不滯。取旨最深。既無減於勝情。仍不乖夫名教。先生和平中正之德。涵育海內。讀是書者。豈徒視爲幾謹之訓哉。庚寅四月。浙西查嗣琛書。

自叙

從來達士。栖寓醉鄉。亦有名賢。眷懷歡伯。所謂天之美祿。何妨我以久要。然而沈湎貽譏。荒耽致誠。光陰幾許。奚堪犯卯過申。人事紛拏。豈得枕糟藉麴。即使醒來千日。與會何存。果其了却一生。沈埋可惜。空有祛愁之號。絕無治疾之徵。若夫壑谷長宵。屋樞獨處。灌將軍之使氣。一座皆驚。謝長史之同塵。三騶太褻。遂令狂花病葉。各作俑於儀康。軟腳扶頭。懲濫觴於劉阮。亦云甚矣。盡少休乎。余量可三蕉。蓄腎百斛。當春秋之好景。不廢開樽。引申白之嘉賓。嘗爲置醴。不善飲而愛觀人飲。第陶情而毋取縱情。爰錄是編。無異把杯在手。以貽吾友。卽如折柬相招矣。北軒主人書。

勝飲編跋

右勝飲編十八卷。國朝郎廷極撰。按廷極字紫衡。號北軒。鑲黃旗漢軍。是書題廣寧。其祖籍歟。官至江西總督。彭紹升測海集思賢篇。有總督郎廷佐。亦鑲黃旗漢軍。資治新書亦作廣寧人。殆廷極兄弟行歟。廷佐亦曾巡撫江西。且崇祀名宦。兄弟同開府於其地。亦盛事云。是書據查、楊兩序。則撰於官山左時。廷極復著有文廟從祀先賢先儒考。與是書均著錄四庫提要附存目中。是書十八卷。分列總目。而每卷復有目錄。頗嫌煩碎。是可刪也。廷佐爲國初名臣。而茶餘客話稱御密磁器。超越前代。有曰郎密者。巡撫廷佐所造。仿古酷肖。今之所謂成宣者。皆郎密也。則雞缸之附。當不讓鴛鴦。鸚鵡。金瑱等。又顏氏家藏尺牘姓氏考。稱杜蒼舒性好客。冠蓋輻輳。每酒酣耳熱。潑墨揮毫。賓客廷極幕府。則賓主勸酬。定多樂事。其自序云。引申白之嘉賓。嘗爲置醴。又云。不善飲而愛觀人飲。其深得酒中趣者歟。藝苑搜奇曾刻是書。特重付剞劂。以諷世之日坐觥籌獄者。咸豐癸丑。花朝令節。南海伍崇曜謹跋。

勝飲編總目

卷一

良時

卷二

勝地

卷三

名人

卷四

韻事

卷五

德量

卷六

功效

卷七

勝飲編

總目

勝飲經總目

著撰

卷八

政令

卷九

製造

卷十

出產

卷十一

名號

卷十二

器具

卷十三

箴規

卷十四

疵累

正

卷十五

雅言

卷十六

雜記

卷十七

正喻

卷十八

借喻

勝飲編
總目

三

勝飲編卷一

清廣寧北軒邱廷樞輯

良時

娛心景物。慰眼風光。合終歲而計之。寥寥無幾。假非歡伯。何物堪酬。第須吾儕與會。適與感觸爾。次良時第一。

頌椒 元旦飲椒柏酒。庾信詩。正旦辟惡酒。新年長命杯。柏葉隨銘至。椒花逐頌來。

人日 清雪居士陶□人日與友人索飲詩。一年今日獨稱人。辛苦艱難六尺身。貼燕粘鷄姑閑置。可餘椒酒賞靈辰。

燈宴 上元紀事。十三日爲上燈宴。十八日爲落燈宴。此數日間。家家多有宴會。唐人詩云。誰家見月能閒坐。何處開燈不看來。蓋春氣方舒。又值歲豐人樂。銀花照室。火樹聯街。固昇平第一景象也。

探春宴 天寶遺事。長安士女。春時鬪花。以奇多者爲勝。皆以千金市花。植於庭爲探春之宴。退之詩。直把春償酒。都將命乞花。又清雪居士詩。看花那計日。得酒且澆春。

花朝 北軒主人花朝戲以酒酌花詞。花朝庭榭自穠華。祝酒還澆幾玉窪。但願花開長有酒。莫教酒熟便無花。

踏青 祝枝山書。寒食前後。踏青郊外。藉草觸花。真春遊樂事。

社會 春秋二社同。杜詩：南翁巴曲醉，註：晉隱者南翁。社日至衆會上，願聽巴歌，乞一日醉。

宴幄 天寶遺事：長安貴遊子弟，每春時遊宴諸名園，載以油幕，遇雨卽以覆之，盡歡而歸。

訪花 梅、牡丹、芍藥、荷、桂、菊及諸異種花。李義山詩：尋芳不覺醉流霞，倚樹耽眠日已斜。客散酒醒深夜

後，更持紅燭賞殘花。

庭花盛開 不拘何種花。岑嘉州詩：朝回花底恆會客，花撲玉缸春酒香。又唐人詩：不向花前醉，花應解

笑人。開元遺事：學士許慎選春日與親友宴花圃中，不張幄設坐，但使童僕聚落花座下，曰：吾自有花

裯。修禊 月令廣義：古時上巳皆謂三月初第一巳日。魏以後但用三日，不復用巳，然仍沿上巳之名。閱

耕餘錄：上巳禊飲，肇自古昔。采蘭祓除，尤稱佳事。不知廢自何時。迄今遂莫之舉也。余家水鄉，勝地不

乏。願約一二同好，及此風日清美，駕言出遊，臨綠波，藉碧草，覽芳物，聽嚶鳴，娛情觴咏之中，寄想煙霞

之外，使覺蘭亭諸賢去人不遠。

聽黃鸝聲 世說補：戴顓春日常攜雙柑斗酒，往聽黃鸝聲。曰：此俗耳針砭。詩：腸鼓吹。白居易詩：醉教

鶯送酒，閒遣鶴看船。秦觀詩：郊原春鳥鳴，來此動豪酌。倪瓚詩：酒溫鶯語煩三請，堪熟蠶筐已四眠。

送春 牧之詩：恨望送春杯，殷勤掃花帶。

新綠 北軒主人詩：鶯啼樹裏迷濃綠，蝶舞樽前映嫩黃。

泛蒲 五日飲菖蒲酒。席間多設黍粽。放翁詩。已過浣花天。行開解粽筵。

觀競渡 瑣言。樂天詩。龍頭畫舸衝明月。鵲腳紅旗蘸碧流。水嬉之樂。莫踰於此。爾時挈伴攜樽。正無拘

招屈也。

避暑會 開元遺事。長安富人。每至暑伏。各於林亭內植畫棟。以錦結爲涼棚。設坐具。召名姝。轉相邀請。

爲避暑會 北軒主人曰。袁紹河朔之會。典論言其晝夜酣飲。極醉至於無知。反不若此雅韻矣。

竹篠飲 語林。陸機在洛。夏月忽思東頭竹篠飲。語劉實曰。吾鄉思轉深矣。清雪居士詩。占竹預期逃

暑飲。愛蓮嘗作泛湖遊。

喜雨 北軒主人曰。亢暘之際。驟得甘霽。見中庭卉木蔚然菁蔥。便知農疇亦復如是。或遇暑天毒熱。一

雨生涼。是皆宜以酒賀。

巧夕 玉燭寶典。洛陽人家。七夕使蜘蛛結萬字。裝同心膽。造明星酒。姚叔祥書。靈鷲渡河。清颿扇席。

瓜果之筵。莫謂兒女事也。

迎秋宴 樂天詩。因思望月侶。好卜迎秋宴。

新漲 北軒筆記。絲柳垂堤。鈿萍貼水。宜乎春。掠波翠翦。迎棹紅衣。宜乎夏。屬嶼雲飛。鷗汀月朗。宜乎秋。

觀水之樂。此三時爲最矣。

中秋 陳仲醇曰。是日即天陰無月。亦宜設酌以待。石林詩話。晏元獻守南都。直中秋陰晦。僉判王琪

兩詩以入曰。只在浮雲最高處。試憑絃管一吹開。公喜。卽治具。召客。至夜分。月果出。樂飲達旦。
登高。東坡與李公擇書。秋色佳哉。想有以爲樂。人生惟寒食重九。慎不可虛擲。四時之景。無如此節。
清雪居士曰。一年嘉序。惟上巳重陽。寒暖適宜。風光最勝。昔人所以有展上巳。展重陽也。杜詩。舊日
重陽日。傳杯不放杯。

紅葉。北軒主人詩。玉醅濃似醕。丹葉粲如花。又北軒詩話。新綠紅葉。古來雅集無傳。予筮仕江寧郡司
馬。地勝官閒。每遇斯時。景卽偕一二知己。尋眺郊原。流連觴咏。迄今二十餘年。雞籠山畔。桃葉渡邊。追
憶舊遊。宛然在目。而酬唱之作。已什無一存矣。

好月。不拘何時。李白詩。惟願當歌對酒時。月光常照金樽裏。又李紳詩。醉筵多向月中開。

煖寒會。霏雪錄。王仁裕冬寒時。擁篝掃徑。迎客飲酒。謂之煖寒會。樂天詩。越調管吹留客曲。吳吟詩
送煖寒筵。李君實曰。仲冬之月。甜薰熾炭。處乎帷中。山茶蠟梅。聊資瓶甌。得深堂邃閣。團坐而謀歡
適。不妨稍入夜。

雪朝雪夜。清雪居士曰。賞雪宜泛湖。宜登山。宜野亭僧閣。不爾。如党家姬所云。於銷金帳中。淺斟低唱。
飲羊羔兒酒。亦自不惡。

守歲。杜詩。守歲阿戎家。椒盤已頽花。盞簪喧櫪馬。列炬散林鴉。四十明朝是。飛騰暮景斜。誰能更拘束。
爛醉是生涯。

勝飲編卷二

勝地

柏梁之會在朝。曲江之遊登第。遭遇良不易。且亦非酒場也。悲慘至易水。新亭。又將掉臂去之。若乃一時良聚。千古美談。樽俎風流。實所欣慕。次勝地第二。

竹林 一統志。河南獲嘉縣有七賢鄉。相傳卽嵇阮諸人竹林遊宴處。北軒主人曰。竹林七賢。惟劉伯倫乃神於酒者。其次當推二阮。若嵇向便不可以酒人目之。山王更無論矣。

蘭亭 蘭亭禊會。羲之與謝安。孫綽。許詢輩。凡四十一人。各賦詩。羊。劉等。詩不成。罰酒。朱竹垞上巳宴集詩。我若當年居末坐。便應罰酒似羊劉。

滕王閣 王勃作序事。

東都門祖餞 漢太傅疏廣與兄子少傅受事。

金谷園 石崇別業在河陽。崇與潘岳輩爲二十四友。嘗飲宴園中。賦詩。詩不成者。罰酒三斗。錢牧齋詩。酒依金谷數。詩擬麗人行。

東閣 梁書。何遜爲揚州法曹。官廨東有梅花一株。嘗賦詩其下。後居洛思之不置。因請再任。至日。花適盛開。卽日延諸名士於東閣醉賞之。